

КАФИСМА ВОСЬМАЯ

¹ В конец, о людех, от святых удаленных,
Давиду в столпописание, внегда
удержаша и иноплеменицы
в Гёфе, псалом 55.

² Помилуй мя, Бóже, яко попрá мя человек, весь день боря
стужí ми. ³ Попраша мя врази мой весь день, яко мнози
борюции мя с высоты. ⁴ В день не убоюся, аз же уповаю на
Тя. ⁵ О Бóже похвалю словеса моя, на Бóга уповах, не убоюся,
что сотворит мне плоть? ⁶ Весь день словес моих гнушахуся, на
мя вся помышления их на зло. ⁷ Вселятся и скрýют, тии пýту
мою сохранят, якоже потерпеша дýшу мою. ⁸ Ни о чесомже
отринеши я, гневом люди низведёши. ⁹ Бóже, живóт мой
возвестих Тебё, положил еси слёзы моя пред Тобóю, яко и во
обетовании Твоём. ¹⁰ Да возвратятся врази мой вспять, воньже
áще день призову Тя, се познах, яко Бог мой еси Ты. ¹¹ О Бóже
похвалю глагол, о Гóподе похвалю слово. ¹² На Бóга уповах, не
убоюся, что сотворит мне человек? ¹³ Во мне, Бóже, молитвы,
яже воздам хвалы Твоея, ¹⁴ яко избавил еси дýшу мою от
смёрти, очи мой от слез, и нóзе мой от поползновения,
благоугожду пред Гóсподем во свете живых.

¹ В конец, да не растлиши,
Давиду в столпописание, внегда
ему отбегати от лица Саулова
в пещёру, 56

² Помилуй мя, Бóже, помилуй мя, яко на Тя упова душа моя,
и на сень крилу Твоею надеюся, дондеже прейдет беззаконие. ³
Воззову к Богу Вышнему, Богу, благодéявшему мне. ⁴ Посла с
Небесé и спасé мя, даде в поношение попирающыя мя, посла
Бог милость Свою и истину Свою, ⁵ и избави дýшу мою от
среды скимнов. Поспах смущен, сынове человечести, зúбы их
оружия и стрелы, и язык их меч остр. ⁶ Вознесися на Небеса,
Бóже, и по всей земли слава Твоя. ⁷ Сеть уготоваша ногам

моим и слякóша дúшу мою, ископáша пред лицём моим яму и впадóша в ню. ⁸ Готóво сёрдце моё, Бóже, готóво сёрдце моё, воспою и пою во славе моёй. ⁹ Востáни слава моя, востáни псалтирю и гúсли, востáну рáно. ¹⁰ Исповёмся Тебé в людех, Гóсподи, воспою Тебé во языцех, ¹¹ я́ко возвелíчися до Небес мíлость Твоя́, и дáже до óблак íстина Твоя́. ¹² Вознесíся на Небесá, Бóже, и по всей землi слава Твоя́.

¹ В конéц, да не растлиши,
Давиду в столпописание, 57

² Аще воистинну úбо правду глаголете, правая судите, сынове челове́чести. ³ Ибо в сёрдце беззакóние дéлаете на землi, неправду рúки вáша сплетáют. ⁴ Очужди́шася грéшницы от ложесн, заблуди́ша от чрэва, глаго́лаша лжу. ⁵ Ярость их по подóбию змиину́, я́ко а́спида глу́ха и затыка́ющаго úши свой, ⁶ íже не услышит глáса обавáющих, обавáемь обавáется от премúдра. ⁷ Бог сокрушiт зúбы их во устéх их, членóвныя львов сокрушiл есть Господь. ⁸ Уничжáтся я́ко водá мимотекúщая, напряжёт лук свой, дóндеже изнемо́гут. ⁹ Я́ко воск растáяв отъiмутся, падé огонь на них и не вiдеша сóлнца. ¹⁰ Прéжде éже разумéти тёрния вáшего рáмна, я́ко жiвы, я́ко во гнéве пожрёт я́. ¹¹ Возвеселiтся праведник, егда́ увидит отмщéние, рúце свой умыёт в крóви грéшника. ¹² И речёт человек: áще úбо есть плод праведнику, úбо есть Бог судя́ им на землi.

Слава:

¹ В конéц, да не растлиши,
Давиду в столпописание,
внегда́ послá Саул, и стрежé
дом его́, éже умертвiти его́, 58

² Изми́ мя от враг моих, Бóже, и от востающих на мя избáви мя. ³ Избáви мя от дéлающих беззакóние и от муж кровей спаси́ мя. ⁴ Я́ко се улови́ша дúшу мою, нападóша на мя крéпцыи, ниже́ беззакóние моё, ниже́ грех мой, Гóсподи. ⁵ Без

беззаконія текóх и исправих, востани в срéтение моé и виждь.
⁶ И ты, Гóсподи Бóже сил, Бóже Израíлев, вонми посетити вся
языки, да не ущéдриши вся дéлающыя беззакóние. ⁷
Возвратятся на вéчер и взáлчут, я́ко пес, и обы́дут град. ⁸ Се
тíи отвещáют усты́ своїми, и меч во устна́х их, я́ко кто
слы́ша? ⁹ И Ты, Гóсподи, посмеéшися им, уничижи́ши вся
языки. ¹⁰ Держáву мою к Тебé сохраню́, я́ко Ты, Бóже,
Застúпник мой еси́. ¹¹ Бог мой, мíлость Его предварíт мя, Бог
мой, яvíт мне на вразéх мо́их. ¹² Не убíй их, да не когда́
забúдут закóн Твой, расточи́ я́ сíлою Твоéю и низведи́ я́,
Защítниче мой, Гóсподи. ¹³ Грех уст их, слóво устéн их, и я́ти
да бúдут в горды́ни своéй, и от клятвы и лжи возвестя́тся в
кончи́не. ¹⁴ Во гнéве кончи́ны, и не бúдут и увéдят, я́ко Бог
влады́чествует Иáковом и концы́ земл́и. ¹⁵ Возвратятся на вéчер,
и взáлчут, я́ко пес, и обы́дут град. ¹⁶ Тíи разы́дутся я́сти. Аще
ли же не насы́тятся, и порóпщут. ¹⁷ Аз же воспою́ сíлу Твою́ и
возра́дуюся заúтра о мíлости Твоéй, я́ко был еси́ Застúпник
мой и Прибéжище моé в день скóрби моея́. ¹⁸ Помóщник мой
еси́, Тебé пою́: я́ко Бог Застúпник мой еси́, Бóже мой, мíлость
моя́.

¹ В конéц, о изменítися хотя́щих,
в столпописа́ние Давíду,
в научéние: ² внегда́ сожжé
средорéчие Сирийское,
и Сíрию Совáльскую,
и возврати́ся Иоáв, и поразí
Едо́ма в де́бри Солéй
двана́десять ты́сящ, 59

³ Бóже, отрíнул ны еси́ и низложíл еси́ нас, разгнéвался еси́,
и ущéдрил еси́ нас. ⁴ Стрясл еси́ зéмлю и смутíл еси́ ю́, исцели́
сокрушéние ея́, я́ко подви́жеся. ⁵ Показáл еси́ лю́дем Тво́им
жесто́кая, напои́л еси́ нас вино́м умилéния. ⁶ Дал еси́ боя́щимся
Тебé зна́мение, éже убежáти от лица́ лúка. ⁷ Я́ко да избáвятся
возлю́бленнии Твои, спаси́ десни́цею Твоéю и услы́ши мя. ⁸ Бог

возглаго́ла во святе́м Своём: возра́дуюся и разделю́ Сики́му, и юдо́ль жилищ разме́рю. ⁹ Мой есть Галаа́д, и Мой есть Манасси́й, и Ефре́м – кре́пость главы́ Моея́, Иу́да – царь Мой. ¹⁰ Моа́в – коно́б упова́ния Моего́, на Идуме́ю простру́ сапо́г Мой, Мне инопле́мённицы покоря́шася. ¹¹ Кто введёт мя во град огражде́ния? или́ кто наста́вит мя до Идуме́и? ¹² Не Ты ли, Бо́же, отрину́вший нас? И не изы́деши, Бо́же, в си́лах на́ших? ¹³ Дажь нам по́мощь от ско́рби, и сýетно спасе́ние челове́ческо. ¹⁴ О Бо́зе сотвори́м си́лу, и Той уничи́жит стужа́ющыя нам.

¹ В конце́, в песнех, Давиду,
псалом 60

² Услы́ши, Бо́же, моле́ние моё, вонми́ моли́тве мое́й. ³ От конце́ земли́ к Тебе́ воззва́х, внегда́ уны́ се́рдце моё, на ка́мень возне́сл мя еси́, наста́вил мя еси́. ⁴ Яко́ был еси́ упова́ние моё, столп кре́пости от лица́ вра́жия. ⁵ Вселю́ся в селении́ Твоём во ве́ки, покрью́ся в кро́ве крил Твои́х. ⁶ Яко́ Ты, Бо́же, услы́шал еси́ моли́твы моя́, дал еси́ досто́яние бо́ящимся и́мене Твоего́. ⁷ Дни на дни царёвы приложи́ши, ле́та его́ до дне ро́да и ро́да. ⁸ Пребу́дет в век пред Бо́гом, ми́лость и и́стину Его́ кто взы́щет? ⁹ Та́ко воспою́ и́мени Твоему́ во ве́ки, возда́ти ми моли́твы моя́ день от дне.

Слава:

¹ В конце́, о Идифуме,
псалом Давиду, 61

² Не Бо́гу ли повинё́тся душа́ моя́? От Того́ бо спасе́ние моё. ³ Ибо́ Той Бог мой и Спас мой, Засту́пник мой, не подви́жуся наипа́че. ⁴ Доко́ле належитё на челове́ка? Убива́ете вси вы, я́ко стене́ преклонёне, и опло́ту возринове́ну. ⁵ Оба́че це́ну мою́ совеща́ша отрину́ти, теко́ша в жа́жди, усты́ свои́ми благословля́ху и се́рдцем своим кленя́ху. ⁶ Оба́че Бо́гови повиня́ся, душе́ моя́, я́ко от Того́ терпе́ние моё. ⁷ Ибо́ Той Бог мой и Спас мой, Засту́пник мой, не преселю́ся. ⁸ О Бо́зе спасе́ние моё и сла́ва моя́, Бог по́мощи моея́, и упова́ние моё

на Бóга.⁹ Упова́йте на Него весь сонм люде́й, изли́йте пред Ним сердца́ ва́ша, я́ко Бог помо́щник наш.¹⁰ Оба́че сýетни сы́нове челове́чести, лжи́ви сы́нове челове́чести в ме́рилах е́же неправдовати, ти́и от суе́ты вку́пе.¹¹ Не упова́йте на неправду и на восхище́ние не же́лайте. Богáтство а́ще течёт, не прилага́йте се́рдца.¹² Еди́ною глаго́ла Бог, дво́я сия́ слы́шах, зане́ держа́ва Бо́жия,¹³ и Тво́я, Го́споди, ми́лость, я́ко Ты возда́си кому́ждо по делóм его.

¹ Псалом Давиду, внегда́ быти ему в пустыни Иудейстей, 62

² Бо́же, Бо́же мой, к Тебе́ у́треннюю, возжада́ Тебе́ душа́ моя́, коль мно́жицею Тебе́ плоть моя́, в земли́ пúсте и непроходне, и безводне.³ Та́ко во святе́м яви́хся Тебе́, видети́ си́лу Твою́ и сла́ву Твою́.⁴ Я́ко лу́чши ми́лость Тво́я па́че живóт, устне́ мой похвалите́ Тя.⁵ Та́ко благословлю́ Тя в животе́ моём, о и́мени Твоём воздежу́ рúце мой.⁶ Я́ко от ту́ка и ма́сти да испо́лнится душа́ моя́, и устна́ма ра́дости восхва́лят Тя уста́ моя́.⁷ Аще помина́х Тя на постели́ моёй, на у́тренних поуча́хся в Тя.⁸ Я́ко был еси́ Помо́щник мой, и в кро́ве крилу́ Твоёю возра́дуюся.⁹ Прильпе́ душа́ моя́ по Тебе́, мене́ же при́ят десни́ца Тво́я.¹⁰ Ти́и же всу́е иска́ша ду́шу мою́, вни́дут в преиспо́дняя земли́,¹¹ преда́тся в рúки ору́жия, ча́сти ли́совом бу́дут.¹² Царь же возвеселится́ о Бо́зе, похва́лится́ всяк клены́йся Им, я́ко заградíшася уста́ глаго́лющих неправедная́.

¹ В конце́, псалом Давиду, 63

² Услы́ши, Бо́же, глас мой, внегда́ моли́ти ми ся к Тебе́, от стра́ха вра́жия изми́ ду́шу мою́.³ Покры́й мя от со́нма лука́внующих, от мно́жества де́лающих неправду.⁴ Иже изостри́ша, я́ко мечь, язы́ки своя́, напряго́ша лук свой, вещь го́рьку,⁵ состреля́ти в та́йных непоро́чна, внеза́пу состреля́ют его́ и не убоятся.⁶ Утверди́ша себе́ сло́во лука́вое, пове́даша

скрѣти сеть, рѣша: кто узрит их? ⁷ Испыташа беззаконіе, исчезоша испытующии испытанія, приступит человек, и сердце глубоко, ⁸ и вознесѣтся Бог. Стрѣлы младенец быша язвы их, ⁹ и изнемогоша на ня языцы их. Смутѣшася вси видящии их, ¹⁰ и убояся всяк человек, и возвестѣша дела Божія, и творенія Его разумѣша. ¹¹ Возвеселѣтся праведник о Господе и уповает на Него, и похвалятся вси правии сердцем.

Слава:

По 8-й кафисме, Трисвятое.

Таже тропарь, глас 5: Во глубинѣ мя грехѣ поплзшася, треволеніе обуревет отчаянія, но предвари, Христѣ, яко Всесѣлен, Управителю всех, и ко пристанищу тихому устремѣ безстрастія, за благоутрѣбие, Спасе, и спаси мя.

Слава: Душѣ, яже zde привременна, тамо же вѣчна, зрю судище, и на Престоле судию, и трепещу изреченія: прочее, душѣ, обратися, суд непрощаемь.

И ныне: Надѣжде ненадеемых, Помоще безпомощных, Заступленіе на Тя уповающих, святая Владычице Богородице, помощь Твою низпосли нам.

Господи, помилуй (40) и молитва:

Господи Щедрый и Милостивый, Долготерпеливе и Многомилостиве, внуши молитву и вонми гласу моленія моего: сотвори со мною знамение во благо, настави мя на путь Твой, еже ходити во истинѣ Твоей, возвесели сердце мое, во еже бояться имени Твоего Святаго, занеже велий еси, и творяй чудеса. Ты еси Бог Един, и несть подобен Тебѣ в бозѣх, Господи, Сильный в милости, и Благий в крепости, во еже помогати и утешати, и спасати вся уповающыя на имя Твое, Отца и Сына и Святаго Духа, ныне и присно, и во веки веков, аминь.